



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 27. Sessio VIII.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

atque Universitatis Pragensis scholares Sæcul. XV.
inficeret, a Sbincone ejusdem urbis Ar- A.C. 1415.
chiepiscopo anno Incarnationis millesimo
quadragecentesimo decimo damnata fuit,
ejusdemque jussu ducenta ferme descri-
pta hujus Hæresiarchæ volumina flam-
mis tradita fuere. Postmodum vero sub
annum a Christo millesimum quadrin-
gentesimum duodecimum Joannes Papa
in Concilio Romano hanc hæresin confi-
xit, omnibus tamen in Curia Romana
comparere potentibus novem mensium
terminum concessit, infra quem Wiclefi
personam propugnare, & si quid in ejus
defensionem allegare possent, proponere
ipsis liceret.

§. XXVII.

Sessio octava.

Præstituta die quarta Maji, ritu con- Labbe Conc.
sueto, præsente Imperatore octavato 12.p.42.
celebrata fuit Sessio. Sacris solemnni-
bus, & lytaniis recitatis legebatur Evan-
gelium ex capite 7. S. Matthæi v. 15. At-
tendite a falsis Prophetis. Sermonem ha-
buit Episcopus Tolonensis, sub Themate:
*Spiritus veritatis docebit vos omnem ve-
ritatem. Joan. 16. v. 13.* Quo facto præ-
primis de citatione, quæ præcedente ses-
sione erat decreta, agebatur, simulque
Sigismundus Austriae Ducem. ut Cæsa-

Sæcul. XV. ris, & Concilii gratiam peteret, Constan-
A.C. 1415. tiam venisse significabat.

§. XXVIII.

*Quadraginta quinque Wiclefi Articuli
a Concilio damnati.*

Labbe Conc. tom. 12. p. 46. *Vander Hardt to. 3. p. 12.* **Q**uemadmodum principalis esset hujus Synodi finis, ut ad condemnationem errorum Wiclefi procederetur, ita in præsenti Patres proscripterunt eos, qui in quadraginta quinque Articulos, seu assertiones redacti erant, & jam antea ab Universitatibus Parisiensi, & Pragensi censuris notabantur; horum primos viginti quatuor Guilielmus Curtenacensis, Archiepiscopus Cantuariensis, damnaverat. Illos autem Archiepiscopus Genuensis prout eos impræsentiarum exhibemus, in Synodo prælegit.

I. *Substantia panis materialis & simili-
ter substantia vini materialis, manet in Sa-
cramento Altaris.*

II. *Accidentia panis non manent sine sub-
jecto in eodem Sacramento.*

III. *Christus non est in eodem Sacra-
mento identice, & realiter in propria præsentia
corporali.*

IV. *Si Episcopus vel Sacerdos est in pec-
cato mortali, non ordinat, non conficit, non
consecrat, non baptizat.*

V. *Non*